



# QUÆSTIO MEDICA.

CARDINALITIIS DISPUTATIONIBVS

manè discutienda in Scholis Medicorum,  
die Iovis 23. Martii.

M. STEPHANO BACHOT, Doctore  
Medico, Præsides.

An Chocolatæ usus salubris?

I.

**H**OMINEM brevi calor vitalis perimeret, nisi tam præcipiti exitio Natura πλουσίη, & πάντων πηγὴς δι' αὐταρχείης, unicum alimenti præsidium opponeret. Hinc fit ut quidquid vivit, illud nutriri oporteat, ad restaurationem triplicis, quæ continenter effluit, substantiæ. Sic eadem non animalibus modò, verùm etiam stirpibus, insitas quasdam vires deficientis ac desiderati semper appetentes, ab initiò statim dedit; ut quàm diutissimè fieri posset, omnia se ab interitu tutarentur. Aliquot tamen homines ad annum vixisse sine alimento, nec fabulas putes, nec miracula. Porro non una semper eademque manet hominem cibandi ratio, sed sua cuique stat propria & peculiaris alimonia, ut pro diversâ utentium temperie, variæ quòque sint alimentorum differentiæ. Si multum, & valentis materiæ cibum, qualis sanorum est, ægris suppedites, imminet suffocatio; si benè valenti infirmum, paucum & frigidum, vix erit alendo. Inedia quæ ægrotantibus conducit, tam intuta sanis est, ut dum hâc ipsâ vitæ longævitatē emere student, ἀπερπελισμῶ sæpius fatum accelerent. Sic sanis & ægris

2

contrariæ sunt alimentorum vices, quæ ex plantis duntaxat & animalibus deprompta mutantur.

I I.

**U**T ex quolibet ligno non fingitur Mercurius, sic nec ex quolibet mixto fit alimentum: Hoc solo dignamur nomine, quod est consociale vitæ nostræ principiis, aliàs, æquivocè duntaxat alimentum est. Calore & humido vivimus: Utrumque tractu temporis deficit ac deficit φύσει & ἀνάγκη, inde ineluctabilis mortis necessitas, quæ prohiberi quidem non potest, retardari verò plurimum. Hoc præstat alimentum simplex, euchymum, *δακρυδοτον*, & οὐδ' ὅτι κρατεῖν βλάβος δύναται ἡ φύσις; dummodo quantitate non peccet: ab ingestō enim plus æquò, ἐφόδιον εἰς ἀπέμειναι, πόροι, ἀρρώστια, νοδοί, & φθίσις τῷ σώματι, tandemque mors ipsa consequitur. Quantitas autem illa definiri non potest μήδε σταθμῶ, μήδ' ἀριθμῶ, ut ridiculè voluit nobilis ille Venetus nomine Cornaro, ἀλλὰ τῇ τῷ σώματος αἰσθήσει.

I I I.

**I**NTER alimenta principem locum obtinet, quod minus est excrementitium, & plurimum in se continet pinguis, & oleosæ substantiæ. His præditum dotibus nulum calori nativo negotium facessit, sed totum ferè abit in subsidium radicalis humidi, quod calor noster naturalis *παμφάγος* quotidie depascit ac deprædatur. Cibus autem ille qui ita analogus est vitæ nostræ principiis, ubique præsto non est: Frustrà eum quæras inter Chymistarum impostorum vividos latices, olea incombusta, potabile aurum, panaceam, ac similes ejusmodi nugas: non inter dubias illas pollucibiles & lautissimas cænas; ne dum inter quælibet gulæ irritamenta, tyrotarichos, tuceta, tomacula, capnistas carnes, pulmenta, pernas, minutalia, trunculos, apexabones, cæterasque cupedias & scitamenta, quæ gulæ architecti, γινῶντος δοδολοί, & νήδου ἡσθημενοί, in blandam hominum perniciem excogitârunt.

I V.

**U**NUS Chocolatæ cibus vel potus vitæ nostræ principiis faver; Ab eo triplicis substantiæ indefinens

reparatur effluvium, & caloris vitalis fugax vivacitas suffranatur: ab eo generantur & multiplicantur spiritus, animæ & corporis vincula. Omnium cum sit alimentorum *δυσμαχότατον*, cum voluptate sumitur & coquitur, nullo penè superfluo ac restibili excremento: flatus in corpore ab imbecillo calore genitos discutit, onustum cibis stomachum levat, quorum coctionem promovet, nullo ventriculi negotio, ut quisque se impunè cum amicis plussculum invitare valeat, si Chocolata non desit. Dicam compendio, mortis limitem movet in senibus. Sed cave ne in illius delectu, torrefactione, triturâ, & mixtione hallucinèris aut pecces, siquidem ex Cratinô Comicô, οὐ πάλιν τος ἀνδρες εἰσιν, δ' ἄγ' ἔτι σται χελεύς.

## V.

**C**HOCOLATA massula quædam est, seu confectio omnium exquisitissima, quam Indis Occidentibus referre debemus acceptam. Si quæ eam ingrediuntur, expendas, nulli secunda. Occurrit primum cacao, prædictæ confectionis caput & basis, fructus arboris amygdalam inclusam in nuce referens, temperie frigidus siccus, ex quo triturato succus quidam pinguis & oleosus radicali nostro humido affinis exprimitur. Huic succedit Vanillia Chocolatæ anima, arboris Indicæ fructus, balsamum referens, odoris & succi bonitate præcellens, quam si de Chocolatâ detrahas, ver ex anno sustuleris. Ambarum Grisium excipit Vanillia, genus quoddam bituminis, quod mare è suis fontibus & alveis procellarum vi in litus eructat, temperie calidum humidum, cerebro partibusque principibus suo odore recreandis, reficiendis spiritibus, & viribus erigendis aptissimum. Ambaro Moschus jungitur, odoratissima illa & suavissima sanies, regum & magnatum deliciæ, cordis robur & jucunditas. Cinnamonum additur Moscho, Galeni tempore genus aromatis rarissimum, ut soli Imp. haberent, & curiosè servarent in scriniis. Ultimo loco Zuccarum, antiquis ignotum, adjicitur, temperie calidum humidum, cujus dotes frequens & multiplex usus satis superque commendat. Solvitur in embammatis, cogitur in orbiculos, digeritur in panes,

4

pinfitur in placentas, tornatur in crustula, fingitur in castella, in aviculas, & in rerum omnium simulacra, coquitur, aspergitur, duratur, incrustatur. Ex quibus omnibus unâ & ex arte permixtis exurgit nobilis illa confectio, vel potiùs omnium lautitiarum epitome, vincens Nectar & Ambrosiam, latices epulasque deorum, ut veriùs Chocolata dici debeat *ἡ δὲ χρυσή*, quàm olim Claudii Cæsaris boletus.

*Ergo Chocolatæ usus salubris.*

Proponebat Parisiis FRANCISCUS FOUCAULT  
Genabensis, Baccalaureus Medicus. A. R. S. H. 1684.

---

Apud Franciscum Muguet, Regis & Facultatis Medicinæ  
Typographum.